

Na osnovu člana 13. Zakona o principima lokalne samouprave u Federaciji Bosne i Hercegovine (Sl. novine F BiH broj 49/06), člana 21. stav 1. tačka 1 i 2. , a u vezi sa članom 130. Statuta općine Teočak (Sl. bilten općine Teočak broj 5/08), Općinsko vijeće Teočak na sjednici održanoj 07.03.2012. godine na prijedlog Komisije za statut i propise, d o n o s i :

O D L U K U o dopuni Statuta općine Teočak

Član 1.

U Statutu općine Teočak (Sl. bilten općine Teočak broj 5/08) u daljem tekstu (Statut) u članu 21. iza tačke 25. dodaje se tačka **25a.** koja glasi:

„ Na prijedlog Općinskog načelnika donosi Odluku o imenovanju Predsjednika i članova Upravnih odbora preduzeća i ustanova kojima je općina osnivač“.

Član 2.

Iza člana 44. dodaje se član **44a.** koji glasi:

“ U cilju ostvarivanja mjera društvene brige za zdravlje građana i ostvarivanja i unapređenja prava pacijenata osniva se Zdravstveni savjet općine.

Zdravstveni savjet općine broji 8 (osam) članova i imenuje ga Općinski načelnik na osnovu Javnog poziva iz reda predstavnika jedinice lokalne samouprave, pacijenata, mladih, komora iz oblasti zdravstva, stručnih udruženja, udruženja za zaštitu prava pacijenata, sindikata, zdravstvenih ustanova odnosno privatnih praksi, crvenog krsta/križa sa područja jedinice lokalne samouprave.

Mandat članova Zdravstvenog savjeta traje 4 (četiri) godine.

Prilikom imenovanja Zdravstvenog savjeta poštovat će se princip odražavanja ravnopravne zastupljenosti oba spola.

Sredstva za rad Zdravstvenog savjeta obezbjeđuju se u Budžetu općine na osnovu godišnjeg programa rada kojeg donosi Savjet uz saglasnost Općinskog vijeća“.

Član 3.

Odluka stupa na snagu danom donošenja, i bit će objavljena u Službenom biltenu općine Teočak.

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinsko vijeće Teočak
Broj: 01-02-06-20-1/12
Teočak, 12.03.2012.godine



Predsjedavajući-a Općinskog vijeća Teočak

Suvada Džuzdanović
Suvada Džuzdanović